



## Publicaziuns officialas dils 19-03-2021

---

### Damondas da baghegiar

Nr. 22/2021

Datum da publicaziun: 19-03-2021  
Patrun: Swisscom Broadcast AG, 3050 Berna  
Representant: Hitz und Partner AG, 7523 Madulain  
Liug e parcella: Rabiun-Campieschas; 364  
Object: adattaziun antenna da telefonia mobila sin nova tecnologia

Nr. 26/2021

Datum da publicaziun: 19-03-2021  
Patrun: Berther Flurin 7172 Rabiun  
Liug e parcellas: Rabiun-Tschuppina; 4758, 5216  
Object: Nova pompa da calira e remplazzar garter da crappa cun platta da betun

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 19-03-2021

*Cumissiun da baghegiar*

### Radunonza da vischnaunca

La proxima radunonza da vischnaunca ha liug gievgia, ils 25 da mars 2021 allas 20.00 uras a Sumvitg.

#### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 17-12-2020
4. Tractaziun ed approbaziun dil project sanaziun providiment d'aua Laus e concessiun dil credit brut da 495'000 francs
5. Tractaziun ed approbaziun dil project producziun ed installaziuns d'electricitad Alp Glivers e concessiun dil credit brut da 180'000 francs
6. Tractaziun dall'iniziativa "Per ina via da colligaziun tier tut ils mises dil Con"
7. Orientaziuns
8. Varia

Per la radunonza vala in obligatori da purtar mascrina. Plinavon vegn menau gliesta dils participonts.

Sumvitg, 19-03-2021

*Suprastonza communal*

## **Exposiziun publica da cooperaziun dalla planisaziun locala**

Sebasond sin art. 13 dall'ordinaziun cantunala davart la planisaziun dil territori (OPTGR) ha liug l'exposiziun da cooperaziun pertuccont la revisiun parziala dalla planisaziun locala dalla vischnaunca Sumvitg.

Tema/materia: Revisiun parziala planisaziun locala determinaziun spazi d'auas, zona da prighel, zona d'aua sutterana e zona da schurmetg per fontaunas, plan d'avertura general traffic

Acts d'exposiziun planisaziun locala:

- midadas lescha da baghegiar
- revisiun parziala dil plan da zonas, nord, 1:7'500
- revisiun parziala dil plan da zonas, sid, 1:10'000
- revisiun parziala dil plan da zonas, Rabius, Igniu - Cahuons, Sogn Benedetg - Laits, Sumvitg, Surrein - Reits, 1:2'000
- revisiun parziala dil plan da zonas, Cumpadials, clavadi, Pardomat, Laus, Val, 1:2'000
- revisiun parziala dil plan general d'avertura, traffic, nord, 1:5'000
- revisiun parziala dil plan general d'avertura, traffic, sid, 1:5'000

Documents da basa:

- rapport da planisaziun e cooperaziun
- rapports d'examinaziun preliminar digl uffeci per il svilup dil territori
- determinaziun spazi d'auas vischnaunca Sumvitg, rapport accumpignont
- protocol dil december 2013 pertuccont transposiziun cartas da prighel, cumissiun da prighels 1
- protocol digl uost 2018 pertuccont approbaziun zonas da schurmetg aua sutterana

Cuoz da publicaziun: 19 da mars entochen ils 19 d'avrel 2021 (30 dis)

Liug e temps da publicaziun: Canzlia communal Sumvitg, duront il temps official da spurtegl. Muort la situaziun actuala dil coronavirus vegnan ils acts d'exposiziun era publicai sin la pagina d'internet dalla vischnaunca Sumvitg [www.sumvitg.ch](http://www.sumvitg.ch).

Duront il temps da publicaziun sa mintgin inoltrar a scret propostas ed objecziuns tier la suprastonza communal.

Sumvitg, 19-03-2021

*suprastonza communal*

## **Suprastonza communal**

### **Repartiziun dils departaments per il rest dalla perioda d'uffeci 2019 – 2022**

Sin fundament dall'elecziun communal dils 07-03-2021 ei la suprastonza communal en sia seduta dils 09-03-2021 seconstituida ed ha repartiun dils departaments sco suonda sin ils singuls commembers dall'executiva:

#### **President communal Armin Candinas**

Departament: administraziun generala, cussegl da scola, planisaziun locala, finanzas e taglias, economia publica en general, survigilanza dil dretg, stab da crisa, medias

Cuntegn: ressort 1, 2, 7.1, 13

Substituziun entras: vicepresidente communal

### **Gerau Giusep Bearth**

Departament: provediment d'aua, dismessa d'aua piarsa, traffic, fatgs da baghegiar  
Cuntegn: ressort 3, 5, 6.1  
Substituziun entras: Marcus Duff

### **Gerau Flurin Berther**

Departament: forestalesser, correcziuns da flums ed uals, rempars e lavineras, ambient (economia da rumians), sendas, via da velos  
Cuntegn: ressort 4, 8.1, 12  
Substituziun entras: Giusep Bearth

### **Gerau Robert Candinas**

Departament: scolaziun, cultura e temps liber (senza sendas), turissem, sanadad, beinstar social  
Cuntegn: ressort 7, 8, 10  
Substituziun entras: Flurin Berther

### **Gerau Marcus Duff**

Departament: segirtad publica, baselgias e capluttas, santeris ed uorden da satrar, agricultura  
Cuntegn: ressort 6, 9, 11  
Substituziun entras: Robert Candinas

Sumvitg, 19-03-2021

*Suprastonza communal*

### **Vignettas da mopeds**

La vignetta da mopeds 2021 sa vegnir retratga tier l'administraziun communal. La taxa munta frs. 43.--.

Sumvitg, 19-03-2021

*Administraziun communal*

### **Lenna da brisch 2021**

La vischnaunca da Sumvitg offerescha a vischinas e vischins la cumpra da lenna da brisch sco suonda:

#### **Pégn**

Igniu 55.00 frs/m<sup>3</sup>

Auters loghens sin damonda.

Ils prezis secapeschan excl. taglia sin plivaleta. Cundiziuns da pagament ein 30 dis net. Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: [uffeci.forestal@sumvitg.ch](mailto:uffeci.forestal@sumvitg.ch), ni per telefon (081 920 25 06). Las empustaziuns ston succeder entochen sil pli tard gievgia, igl **1. d'avrel 2021**.

Bien engraziament per Vossa empustaziun!

Sumvitg, mars 2021

*Il selvicultur da revier  
Flurin Cathomas*

### **Restricziun da traffic el tunnel dils Barschaus**

Muort lavurs da collaudaziun dalla illuminaziun el tunnel dils Barschaus (Val Sumvitg) **mardis, ils 23 da mars 2021**, naven dallas 9.00 tochen ca. allas 11.00, eis ei da quintar temporar cun temps da spetga pil traffic. Nus supplichein per enconuschientscha ed engraziein per la capientscha.

Sumvitg, 19-03-2021

*Departament da traffic*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 19-03-2021

*Departament stradal*

### **Uniun samaritana Sumvitg-Trun**

La proxima acziun da spender saung ha liug: **gliendisdis, ils 22 da mars 2021**, dallas 18.30–20.30 en halla da sport a Trun. Sin bien seveser, cun quei spender saung spendra veta!

### **Fiasta da giubileum 125 onns Societad da musica Sumvitg/Cumpadials**

Muort la situaziun dil coronavirus haveva la Societad da musica stuiu decider il **mars 2020** da spustar la fiasta da giubileum per in onn sil **zercladur 2021**. Uss essan nus denton puspei ella medema situaziun sco gia avon in onn. Per quei havein nus stuiu prender la decisiun da definitivamein desister da nossa fiasta da giubileum. Quella decisiun ei buca stada semplia, e nus deplerein zun fetg da buca saver festegiar nies giubileum cun la populaziun da Sumvitg e contuorn. Vinavon havein nus era stuiu dir giu nies concert annual che havess giu liug ils **8 da matg**. Nus sperein da gleiti astgar fa musica ensemen e selegrein sin in bien seveser. Nus giavischein a Vus vinavon buna sanadad e stei sauns!